

20 MEDIUM TERM BUDGET 25 POLICY STATEMENT (MTBPS)

LIŊWALO NGA HA MBUNO TSHIVENDA

MTBPS NDI MINI?

Tshitatamennde tsha Mbekanyamaitele ya Mugaganyagwama wa Vhukati ha Nwaha (MTBPS) tshi sumbedza mutheo wa mbekanyamaitele une wa netshedzwa nga nwedzi muniwe na muniwe wa Luhuhu, u shandukisa nyanganyelo ya ndavhelelo dza ikonomi kha migaganyagwama ya Muhasho kha nwaha wa muvhalelano wonoyo na u ita tshandukiso dza shishi kha u shumisa masheleni.

NDI NGANI MTBPS I YA NDEME?

MTBPS i na mushumo wa ndeme kha maitele othe a mugaganyagwama ngauri i tea mutheo wa masheleni a muvhuso (zwine zwa amba matshimbidzele othe a thanganyelo ya mugaganyagwama nga u angaredza kha mbuelogute yothhe, kushumisele kwa masheleni na u koloda kha nwaha wonoyo) u itela mugaganyagwama wa lushaka u tevhelaho.

I netshedza Phalamennde na shango nga u angaredza ndivho nga ha uri Muhasho wa Gwama la Lushaka u vbona hani nyimele ya tshenetsho tshifhinga ya ikonomi. Mugaganyagwama ndi wone tshishumiswa tsha ndeme tsha muvhuso kha ikonomi, sa izwi u tshi sumbedza zwipikwa zwa ndeme zwa mbekanyamaitele ya ikonomi ya

tshitshavha nga u pindulela zwipikwa izwo na vhudikumedzeli ha zwa polotiki kha kushumisele kwa masheleni.

Vho Godongwana vha khou lavhelelwa u netshedza mbonalo ya ikonomi ya Afrika Tshipembe sa zwo thathuvhiwaho na u humbulelwa nga Muhasho wa Gwama la Lushaka. Mbonalo ya ikonomi ndi ndavhelelo dzine dza khou humbulelwa nga ha uri ikonomi i do shuma hani nga kotara ine ya khou tevhela, nwaha kana nga tshifhinga tshi daho. Izwi zwi do katela u humbulelwa ha inifulesheni, nyaluwo ya u bveledza, u shaya mishumo na ndinganyiselo ya mbambadzo. Mbonalo ya ikonomi ndi ya ndeme na u lavheleseswa nga vhabindudzi, mazhendedzi a u ela, vhatheli na vhadzulapo nga u angaredza.

MIHASHO I DZUDZANYA HANI MIGAGANYAGWAMA YAYO?

Mihasho ya lushaka na ya vundu na zwiimiswa zwa muvhuso zwi ita matshimbidzele azwo u itela u dzudzanya manwalo a nyanganyelo ya kushumisele kwa masheleni maelana na thodea dzo sumbedzwaho kha tsumbandila dza mugaganyagwama na u ditika nga maga a kushumele o dzudzanywaho.

Manwalo a kona ha u netshedzwa kha NDP, Nzudzanyo dza



LIŊWALO NGA HA MBUNO

#MTBPS2025

Mveledziso ya Vhukati ha Nwaha (MTDP) na Mutheo wa Zwipikwa zwa Ndeme zwa Mugaganyagwama zwa DPME. NT (PF, IGR, BO) vha fara nyambedzano na zwiimiswa izwi nga kha zwigwada zwa mushumo/vhulédzani zwine mvelelo dza nyambedzano idzo dza netshedzwa kha Muhasho wa Gwama la Lushaka, nahone izwo zwo fhambanaho zwa tea u wana thikedzo nga u dzinginywa nga Komiti ya Kushumisele kwa Masheleni Vhukati ha Nwaha (MTEC).

MATSHIMBIDZELE A MTBPS NGA PHALAMENNDE

Maelana na MTBPS, mivhigo i netshedzwa nga Phalamennde nga ha mutheo wa masheleni a muvhuso nga Mutheo wa Tshumiso ya Masheleni Vhukati ha Nwaha (MTEF) na khethekanyo ya mbuelo (DOR), hu sa athu u khunyeledzwa mugagayagwama nga khorotshitumbe.

HU BVELELA MINI NGA MURAHU HA U NETSHEDZA MTBPS?

Nga murahu musi MTBPS yo netshedzwa, Komiti dza Phalamennde (dza u Avhela na Gwama) dzi fara nyambedzano dza tshitshavha na vha kwameaho vho teaho. Hu tangedzwa manwalo u bva kha avho vha kwameaho musi hu tshi farwa nyambedzano idzo. Nga murahu ha izwo, komiti dzi kona u dzudzanya muvhigo na u u netshedza kha Buthano la Lushaka, line la dovha la thathuvha kushumisele kwa masheleni na zwo dzinginywaho nga ha mbuelo. Nga murahu ha maduvha a furaru a u netshedza MTBPS, komiti dza zwa gwama dza nndu mbili idzi dzi tea u vhiga nga ha mutheo wa masheleni a lushaka na komiti dza u Avhela dzi tea u vhiga nga ha u kovhekanywa ha mbuelo na u avhela magavhelo kha mavundu na mivhuso yapo. Nga murahu ha kona u tiwa Khethekanyo ya Mulayotibe wa Khwiniso ya Mbuelo (DORA).

Follow National Treasury on the following social media platforms:



@Treasury_RSA



National Treasury RSA



National Treasury RSA



@treasuryrsa

www.treasury.gov.za



national treasury

Department:
National Treasury
REPUBLIC OF SOUTH AFRICA

